

20. november 2003

UKA 2003/151

Raajanut akitsuutit pillugit Inatsisartut inatsisaata allanngortineqarneranik

Inatsisartut inatsisissaattut siunnersuut

pillugu

Inatsisartut Akileraartarnermut Akitsuusiisarnermullu Ataatsimiititaliaata

ISUMALIUTISSIISSUTAA

siunnersuutip aappassaaneerreqarnerani saqqummiunneqartoq

Inatsisartut ataatsimiititaliaat suliarinninnermini ukuninnga inuttaqarpoq:

Inatsisartuni ilaasortaq Isak Davidsen (Siumut), siulittaasoq
Inatsisartuni ilaasortaq Agathe Fontain (Inuit Ataqtigiit), siulittaasup tullia
Inatsisartuni ilaasortaq Jensine Bertelsen (Atassut)
Inatsisartuni ilaasortaq Per Skaaning (Demokraatit)
Inatsisartuni ilaasortaq Ole Thorleifsen (Siumut)

Inatsisartut ataatsimiititaliaata siunnersuut qulaani taaneqartoq UKA 2003-mi
siullermeerneqa-reermat nassuiaatai ilanngullugit misissuataarpaa.

Aallarniut

Inatsisartut ulloq 10. november 2003 siunnersuut qulaani taaneqartoq
siullermeermissuk Inatsisartut Akileraartarnermut Akitsuusiisarnermullu
Ataatsimiititaliaannit suliarineqartussanngorlugu innersuunneqarpoq.

Siunnersuut Raajanut akitsuutit pillugit Inatsisartut inatsisaata
allanngortinneqarneranik Naalakkersuisut peqquneqarnissaannik Inatsisartut
aalajangiiffigisassaattut siunnersuummut UKA 2003/150-imut
assersuunneqarsinnaavoq. Siunnersuutini taakkunani marlunni
siunnersuutigineqarpoq raajat akitsuuserneqartussat kaajalukaartitat ilaattut

aalajangersimasutut annertussusilinniit tunisinermi akip procentinngorlugu assigiimmik qaffariartuaartutut allanngorarneratut ilusilerneqassasut.

Siunnersuutit marluk taakku assigiinngissutaat pingaarneq uaniippoq UKA 2003/151 malillugu tunisinermi tunisinermut aki **13.00** kr.-ugaangat akitsuut atuutilertassasoq, UKA 2003/150-ili malillugu raajanut kiilumut ataatsimut tunisinermut aki **19.00** kr.-iugaangaat aatsaat atuutilertassasoq. Siusinnerusukkut naalackersuisooqatigiit taamattutaaq pilersaarutigisimavaat raajat kilomut tunineqarnerini aki 19,00 kr.-iuppat raajanut akitsuut atuutilersinneqaaqqullugu siunnersuummik saqqummiussissallutik.

Siunnersuutitut marlunnut taakkununga tunngatillugu raajanik kiilumik ataatsimik tunisinermut akiusutut toqqakkanut arlalinnut sanilliullugit raajanut akitsuut pct.-inngorlugu tabelimi ataaniittumi takutinneqarpoq:

Raajat tunisat kiilumut akii (Kr.)	Akitsuut (pct.-inngorlugu) UKA2003/150	Akitsuut (pct.-inngorlugu) UKA2003/151
13,01	0	0,01
15,01	0	2,01
17,01	0	4,01
19,01	0,01	6,01
20,01	1,01	7,01
21,01	2,01	8,01
30,01	11,01	17,01

Siusinnerusukkut raajanut akitsuutit kaaviiartitat 1 pct.-iinik annertussusillit taamaallaat 10 mio.-nik isertitsissutaasussatut naatsorsuutigineqarmata maannakkut raajat akii atuuttut tunngavigalugit 2004-imi 18 mio. kr. miss. iluanaaruteqarnissaq Naalackersuisut naatsorsuutigaat.

Isumasioqatigiilluni ataatsimiinneq

Ataatsimiititaliattaq siunnersuummik suliarinninnerata ilaatut Aningaasanut Nunanullu Allanut Naalackersuisoq ulluni 13. aamma 19. november 2003 ataatsimiititaliamit isumasioqatigalugu ataatsimeeqatigineqarpoq.

Tamatuma saniatigut APK-mit KNAPK-millu sinniisuutitanik Naalackersuisunillu ataatsimiititaliaq ulloq 17. november 2003 ataatsimeeqateqarpoq.

Tusarniaanermiit akissutisiat

Siusinnerusukkut naalackersuisooqatigiit raajanik tunisinermi kiilumut aki 19,00 kr.-inngoraangat akitsuusiisarnissamik siunnersuutaat naalackersuisooqatigiinnerup atorunnaarsinneqarnera sioqqullugu Inatsisartunut saqqummiunneqanngitsoorpoq. Taamaattorli siunnersuut Aalisarnermut, Piniarnermut Nunaqarfinnullu Pisorta qarfirmut, Inuussutissarsiornermut Pisorta qarfirmut Aningaasaqarnermut Pisorta qarfirmut kiisalu KNAPK-mut APK-mullu tusarniaassutitut nassiutissallugu angumeqqunneqarsimavoq.

UKA 2003/151-mut nalinginnaasumik nassuiaatini takuneqarsinnaavoq inatsisissatut siunnersuut ulloq 27. september 2003 Inatsisartunut iluserisamisut iluseqarluni nassiunneqartoq raajat kiilumut 13 kr.-imik akeqaleraangata akitsuuserneqartarnissaannik imaqartoq tusarniaassutigineqarsimanngitsoq. Taamaammat siunnersuut Inatsisartut Akileraartarnermut Akitsuusiisarnermullu Ataatsimiititaliaannut innersuunneqassasoq naatsorsuutigalugu ataatsimiititaliaq Aningaasanut Nunanullu Allanut Naalackersuisumut ulloq 16. oktober 2003 saaffiginnissuteqarpoq ataatsimiititaliap suliarinninnissaanut taamaallaat atugassatut 19,00 kr.-imiit 13,00 kr.-imut allanngortitsinissaq pillugu killilimmik tusarniaanermik isumaginneqqullugu. Tamatuma kingorna Aningaasanut Naalackersuisoq Aalisarnermut, Piniarnermut Nunaqarfinnullu Pisorta qarfirmut, Inuussutissarsiornermut Pisorta qarfirmut Aningaasaqarnermullu Pisorta qarfirmut kiisalu KNAPK-mut APK-mullu tusarniaanermik killilimmik tamatuminnga ingerlassivoq.

Siunnersuut matumani pineqartoq pillugu ataatsimiititaliami suliarinninnissamat atugassanik tusarniaanermiit akissutit nuutinneqarnerinik ataatsimiititaliaq piniarsimavoq.

Tusarniaanermiit akissutiniit takuneqarsinnaavoq Aningaasaqarnermut Pisorta qarfik, Inuussutissarsiornermut Pisorta qarfik Aalisarnermullu Pisorta qarfik siunnersuummut oqaaseqaatissaqan-ngitsut.

APK KNAPK-lu ulloq 3. november 2003 ataatsimoorussamik tusarniaanermut akissuteqarput. Tusarniaanermut akissummit taassumanga takuneqarsinnaavoq kattuffiit taakku marluk raajat kiilumut akii 13 kr.-inngoraata atuutilertussamik akitsuusiinissamat marlunnik akerliliissutissaqartut:

1. Siunnersuut *Naalackersuisut, KNAPK-p aamma APK-p "Athenimi isumaqatigiissummut tapiliussap" akuersissutigineqarnera pillugu, illua tungeriillu 2004-imiit 2006-imut (taakkua tamaasa ilanng.) suleqatigiinnissamik isumaqatigiissutaannut* ulloq 1. september 2003-meersumut akerliusoq. Kattuffiit isumaqarput Naalackersuisut isumaqatigiissummik qimatsinerat inatsisinut akerliusoq taarsiissuteqaataasinnaasorlu.

2. Siunnersuut ilaasortat ingerlatsinikkut aningaasaqarnermik akuerineqarsinnaasumik aalajangiusimanninnissaannut periarfissamut annertuumik pitsaanngitsumillu kinguneqartussaavoq.

Tamanna tunngavigalugu UKA 2003/151 allanngortinneqassasoq kattuffiit siunnersuutigaat, taamaalillunilu akitsuut akinut naleqqersuutitut naapertuuttumik iluarsivigineqassasoq UKA 2003/ 150-imilu, naalackersuisuusimasullu siunnersuutaattut raajanut kiilumut aki 19,00 kr.-inngo-raangat aatsaat atuutilertassasoq.

Isumaliutissiisummut matumunnga ilanngussaq 1-itut APK-mit KNAPK-illu akissut ilanngunneqarpoq.

Tamatuma kingorna APK-p KNAPK-llu tusarniaanermi akissutaannut Naalackersuisut siulittaasuata ulloq 6. november 2003 akissutaa, isumaliutissiisummut matumunnga ilanngussatut 2-tut ilanngunneqartoq Akileraartarnermut Akitsuusiisarnermullu ataatsimiititaliap tiguaa.

"Athenimi isumaqatigiisummut tapiliussap" akuersissutigineqarnera pillugu isumaqatigiisut.

Naalackersuisut, KNAPK-p aamma APK-p "Athenimi isumaqatigiisummut tapiliussap" akuersissutigineqarnera pillugu, illua tungeriillu 2004-imiit 2006-imut (taakkua tamaasa ilanng.) su-leqatigiinnissamik isumaqatigiisutaat siusinnerusukkat Naalackersuisut, KNAPK-p kiisalu APK-p ulloq 1. september 2003 isumaqatigiisutigaat.

Isumaqatigiisummi § 9-mi takuneqarsinnaavoq kattuffiit APK-p KNAPK-llu isumaqatigiisut atorlugu "Athenimi isumaqatigiisummut tapiliussaq" isumaqataaffigigaat, taanna malillugu Kalaallit Nunaata kitaani raajat 4.000 tonsit EU-mi angallatinut pisassiisutitut tunniunneqarlutik. Isumaqatigiisummi immikkoortoq 6-imi nangillugu allassimavoq:

"Raajanut akitsuutit pillugit inatsisip allanngortinneqarneranik inatsisissatut siunnersuummik Naalackersuisut 2003-mi ukiakkut katersuunnermi saqqummiussissamaarput taamaalilluni akitsuutit akinut naleqqersuut malillugu iluarsivigineqartartussanngorlugit nunanullu allanut annissassat tunisassiat agguaqatigiisillugu kiilumut 19,00 kr.-nik akeqaleraangata aatsaat atuutilertartussanik."

Naalackersuisut ilaasortalersugaanerata allanngortinneqarnerata kingorna Naalackersuisut siulittaasuata ulloq 14. oktober 2003 APK-mut KNAPK-mullu allagaqarluni nalunaarpoq qulaani taaneqartutut siunnersuummik saqqummiussinissamik siusinnerusukkat naalackersuisuusimasut oqarsimanerannik malinnissallutik Naalackersuisut pituttugaasutut misigisimannigitsut, Naalackersuisummi ilaasortalersugaanerata inatsisartoqarnikkullu amerlanerussutillit allannguuteqarsimammata, taamaammallu isumaqatigiisummi immikkoortoq 6-imi oqaatigineqartup tunngavissaatitaanera atuukkunnaarsimalluni.

KNAPK APK-lu tusarniaanermut akissumminni erseqqissaateqarput angallatinut EU-meersunut pisassiissuteqarnissaq aalisarneq pillugu inatsimmi § 5, imm. 3-makerliusoq, taannami malillugu Kalaallit Nunaata kitaani TAC (pisarineqarsinnaatitaasut anginerpaaffigisaat) naapertorlugu, raajanik pisarineqarsinnaasut sinerissamut qanittumi raajarnianut 43%-imik avataasiutinullu 57%-imik agguataagaammata. Isumaqatigiisummi aalajangersarneqartunik kattuffinnut taartigitinneqartut tunngavigalugit "Athenimi isumaqatigiisummut tapiliusaaq" isumaqatigiisuteqarnermi kattuffiit taamaallaat akuerisinnaagaat tusarniaanermut akissummi takuneqarsinnaavoq. Naak angallatinut EU-meersunut raajanik pisassiissutinik siuliani taaneqartutut tunniussineq aalisarnermut inatsimmi § 5, imm. 3-mut akerliugarluartoq. Taamaalilluni kattuffiit taakku marluk naapertorlugit raajat kiilumut 19,00 kr.-inik akeqaleraangata raajanut akitsuutip aatsaat atuutilernissaa taartigitatut kattuffiit taakku marluk isigigaat, tamannalu raajat, Akileraartarnermi Pisorta qarfiup nalunaarsugai naapertorlugit, 2003-mi qaammatit pingasukkaartut pingajuata kingorna agguaqatigiisillugit 14,69 kr.-inik kiilumut akeqarnerat tunngavigalugu isigineqartariaqartutut ilimagisariaqartoq. Taamatut akit inissisimaneranni siunnersuutitoqaaq atorlugu raa-janut akitsuut atuutilersimanaviannikkaluarpooq, taannami malillugu oqaatigineqartutut akitsuut raajat kiilumut 19,00 kr.-imik akeqalerpata aatsaat atuutilertussaagaluarimat.

KNAPK-p APK-llu tusarniaanermut akissuteqarnerminni oqaatigaat ulloq 1. septemberimi isumaqatigiisummik Naalakkersuisut atorunnaarsitsinerat inatsisunik unioqqutitsinertut pineqartutullu ilaasunut taarsiissuteqarnissamik pisussaaffeqarnertut isigineqartariaqartoq, taamaammallu kattuffiit inissisimanertik eqqarsaatigeqqikkumagaat. "Athenimi isumaqatigiisummut tapilius-saq"-p akuerineqarnissaa aalisarnermut inatsimmik § 5, imm. 3-mut akerliusutut matuma kingorna isigineqartariaqartoq kattuffiit ilanngullugu isumaqarput.

Naalakkersuisut siulittaasuat akissuteqarnermini erseqqissaateqarpoq

"Naalakkersuisut Inatsisartunut akuersissutigeqqusinnaanngilaat akitsuutip aatsaat 19,00 kr.-iniit atuutilertarnissaa. Naalakkersuisut tamatumunnga inatsisartoqarnikkut amerlanerussuteqartoqarsinnaanera ilimaginnereermassuk inatsisissatut siunnersuutip isikkuatut saqqummiunnissaa siunertaqarsorineqanngilaq.

Taamatut nalunaarsimanerup qimanneqarnera taarsissuteqartoqarnissaanut tunngavissaasinnaanngilaq 19,00 kr.-inik siunnersuuteqarsimaneq akuerineqarsimanaviannngimmat. Taamaattumik annaasaqartoqarsimannngilaq.

Taamatut nalunaarsimanerup qimanneqarnera inatsisunik uniuinertut aamma oqaatigineqarsinnaanngilaq siunnersuut akuerineqarsimanaviannngimmat saqqummiunnissaa siunertaqanngilaq."

Nangilluni Naalackersuisut siulittaasuut naliliivoq kitaani raajanik 4000 tonsinik EU-mut nuussineq aalisarnermut inatsimmut atuuttumut akerliusutut isigineqarsinnaanngitsaq, aalisarnermummi inatsit piffissami sivisoorujussuarmi aalisarneq pillugu Inatsisartut inatsisaanni atuuttumi § 7 ilaatigut naapertorlugu Naalackersuisut raajat kitaaniittut ilaannik EU-mut tunniussinissaannut periarfissiisuusimammat, inatsisimmi § 7, imm. 1-mi takuneqarsinnaammat

Imartani Kalaallit Nunaata.aalisarnikkut oqartussaaffigisaani inuussutissarsiutigalugu aalisartoqarsinnaavortaaq angallatinit § 6-imi pineqanngitsut, [taanna malillugu imartani Kalaallit Nunaata aalisarnikkut oqartussaaffigisaani inuussutissarsiutigalugu aalisarneq taamaallaat angallatinit pigineqarnertik naapertorlugu Kalaallit Nunaanni angerlarsimaffeqartunit ingerlanneqarsinnaavoq] taakku nunat tamalaat akornanni isumaqatigiissutit malillugit pisussaaffiit naapertorlugit imaluunniit naalackersuisunik immikkut isumaqatigiissuteqarsimaneq malillugu imartani Kalaallit Nunaata aalisarnikkut oqartussaaffigisaani aalisakkanik annertussutsinillu aalajangersimasunik aalisarnissamut akuersissuteqarfigineqarsimagaangata.

Naalackersuisulli siulittaasuata qulaani taaneqartut eqqarsaatigalugit akissuteqarnermini iluoornerarpaa aalisarnermut inatsimmi § 5 imm, 3 erseqqarluttumik oqaasertaliivigineqarsimasoq, taamaammallu inatsimmut allannguutissatut siunnersuummik saqqummiussisoqassasoq. Tamatuma kingornagut Naalackersuisut, Aalisarneq pillugu inatsimmi § 5 imm. 3 naapertorlugu nunatsinni raajarniutinut pisassiissutigineqartut, TAC-unngitsunilli, ilaannik ilanngussisunngorlugu allan-ngortitsisoqarnissaanik siunnersuut UKA 2003/174 oqaluuserineqassasoq nalunaarutigaa.

Tamatuma saniatigut Akileraartarnermut Akitsuusisarnermullu Ataatsimiititaliaq Aningaasanut Nunanullu Allanut Naalackersuisumik isumasioqateqarluni ataatsimiinnermi imaattumik aperivoq:

"Athen-imi isumaqatigiissummut tapiliussap" akuersissutigineqarnera aamma 2004-miit 2006-imut peqataasut suleqatigiinnissaat pillugit Naalackersuisut, KNAPK-p aamma APK-p isumaqatigiissutaat"-ta Naalackersuisunit 1. september 2003-mi atorunnaarsinneqarnerata nanginneratut APK-mit/KNAPK-mit piumasaaqatigineqarsinnaasutut naatsorsuutigineqartunut atatillugu siunnersuummut qulaani taaneqartumut inatsisitigut kinguneqaataasinnaasut Naalackersuisut qanoq nalilerpaat?"

Naalackersuisoq akissuteqarnermini Nalaackersuisut siulittaasuata qulaani taaneqartutut 3. november 2003-mi allagaanik toqqammaveqarpoq. Tamatuma saniatigut Naalackersuisup Naalackersuisut Allattoqarfiannit, Inatsilerinermut Allaffimmit, ulloq 12. november 2003-mi allakkiaq saqqummiuppaa, tassuuna uparuarneqarluni 1. september 2003-mi APK-mut KNAPK-mullu isumaqatigiissut tamakkiisoq Naalackersuisut atorunnaarsissimannngikkaat, isumaqatigiissummi

immikkoortut tamakkerlugit eqquutsinnianninnerisigut taarsiissuteqartussatut piunasaqarfigineqarnissamik Naalakkersuisut iliuuseqarsimasutut isiginngitsut, taakkununnigami tunngavissaatitat naalakkersuisut nutaanngornerisigut atorunnaarsimammata.

Naalakkersuisup oqaasiisa allassimaneri isumaliutissiisummut matumunnga ilanngussatut 3-tut ilanngunneqarput.

Akilerartarnermut Akitsuusiisarnermullu Ataatsimiititaliami amerlanerussuteqartut Siumumeersut, Inuit Ataqaatigiinneersut Demokraatineersullu Naalakkersuisut apeqqummik naliliinerat tu-saatissatut tiguaat. Tamatuma peqatigiisaanik amerlanerussuteqartut paasivaat aalisarnermut inatsit isumaqatigiissuteqartut akornanni sanioqqunneqarsinnaanngitsuunngitsoq, taamaammallu Naalakkersuisut aalisarnermilu kattuffiit aalisarnermut inatsisip ilaata isumaqatigiissummi naatsorsuutigineqannginnissaanik isumaqatigiissuteqarnerat inatsisilerinikkut atuussinnaassuseqartutut ilimagineqarsinnaanngitsoq.

Akerlianik ataatsimiititaliami ikinnerussuteqartut Atassut isumaqarput Naalakkersuisut, KNAPK-p aam-ma APK-p "Athenimi isumaqatigiissummut tapiliussap" akuersissutigineqarnera pillugu, illua tungeriillu 2004-imiit 2006-imut (taakkua tamaasa ilanng.) suleqatigiinnissamik isumaqatigiissutaata ilaata Naalakkersuisunit qimanneqarnera inatsisinik unioqqutitsinertut taarsiissuteqaateqarnissamillu pisussaatsisuisinnaasutut KNAPK-mit APK-millu uppernarsarneqartoq.

Siunnersuutip Inuussutissarsiutinut aningaasatigut kinguneqaatissai
KNAPK APK-lu 3. november 2003 tusarniaanermut akissumminni ilaatigut ima allapput:

Isumaqarnarpoq naalakkersuisut siunnersuuteqarnermikkut, inuussutissarsiortut taamatut pilersuisinnaanerannik piviusorsiortumik nalilersueqqaarani, landskarsip akileraarutitigut isertitaqarnissaanut pisariaqartitsinera pingaarnertissimagaat. Siunnersuutip nassiunneqartup piviusunngortinneqarneratigut maannakkut aalisarnermik inuussutissarsiortut Kalaallit Nunaata avammut niuernikkut isertitaasa pingaaruteqartut qulakkeerneqarsinnaanerat aarlerinarsisinnaavai. Aningaasarsiornikkut isigissagaanni siunnersuutip piviusunngortineqarneratigut taamaalilluni siunissami aningaasarsiornissamut akornusiisinnaanera naatsorsuutigineqarsinnaavoq, landskarsimit akileraarutitigut piffissami sivikitsumi iluanaarutinit annertunerungaartunik.

Ilanngullugu oqaatigineqarpoq

2002 aamma 2003-imi aalisariutaatillit nutaat, siusinnerusukkut aalisariutaatillit ... arlallit kattunnerisigut pilersinneqartut...,

*ingerlatsinerup tungavissaatut missingersuusiorminni
kaaviiaartitat oqimaaqatigiinnissaannut agguaqatigiissillugu akit
DKK 16,50-it tunngavigisimavaat...Kattuffiit ilaasortaasa
iserititaqarsinnaanerit qulakkeerneqarsinnaanerit pingaarnertigut
pissutaasimavoq raajanut TAC sinnersunut naleqqiullugu
qaffasinnerunera.*

Kiisalu oqaatigineqarpoq tunisinermit kiilumut akigitinneqartup 19,00 kr. angugaangaju, tak. 1. september 2003-mi isumaqatigiissummi immikkoortoq 6, raajanut akitsuummik atulersitsisarnissamut tunuliaqutaasoq tassaasoq, maanna pisassarititaasut annertuut taamaaginnarnissaasa tunngavissaatinneqarneratigut kilisaataatillit, patajaallisaanerup naammaginakannersumilluunniit annertussuseqarluni ingerlateqqinnissaanut periarfissaqartitsisumik ani-ngaasatigut iserititaqarnissamut periarfissinneqarnissaat, taamaalillunilu kilisaataatillit aningaasaqarnikkut tunngavigisaat ajorseriartinnikkaluarlugu akitsuummik akiliinissamut periarfissaqarnissaat naatsorsuutigineqarmat.

Tamatuma kingorna Aningaasanut Nunanullu Allanut Naalakkersuisoq isumasioqatigalugu ataatsimiinnermi Akileraartarnermut Akitsuusiisarnermullu Ataatsimiititaliap ima aperaa:

"Raajat qaleruallit tuninerini kilomut 13 kr. anguneqaraangat raajanut akitsuutip atuutilertarnissaanik siunnersuuteqarnermut Naalakkersuisut suut tunngavilersuutigaa? Siunnersuutip inuussutissarsiortunut aningaasatigut kingunerisassai pillugit misissuinernik qanoq ittunik Naalakkersuisut suliaqarsimanersut immikkut paasisutissiissutigineqassasoq ataatsimiititaliamit kissaatigineqarpoq."

Ilaatigut Naalakkersuisoq ima akissuteqarpoq:

Naatsorsuutit 2001-2002-mut tunngasut pissarsiarineqarsinnaasut Naalakkersuisunit nalilersorneqarnikuupput taakkulu 2003-mi pisassiissutit tunngavigalugit kisitsisillu ukiumut tassunga naleqqussarlugit naatsorsorlugit raajanullu akitsuusersueriaatsimut eqqunniarneqartumut akit agguaqatigiissillugit kiilumut 13,15 aamma 19,00 kr.-i aallaavigalugit naatsorsorlugit. Taakku 2003-mi kisitsisinut naleqqussaalluni naatsorsuinerit takutippaat raajanut akitsuutip kiilumut 13 kr.-ni aallartiffigalugu akitsuummik eqqussiniarnerup kilisaataatillit aningaasaqarniarnerannut naviarnartorsiortitsinngitsoq. Kilisaataatileqatigiit ataatsip arlallilluunniit raajat akiisa appasinnerat tunngavigalugu amigartooruteqassagaluarpata raajanut akitsuut pissutaangilaq raajalli akiisa appasinnerat pissutaavoq - allatut oqaatigalugu piviusut aallaavigalugit raajanut akitsuutip iluanaarutit amigartoorutinnngortissinnaanngilai (eqqarsaatersornerli aallaavigalugu taamaallaat taamaalisinnaallutik)

Tamatuma saniatigut Naalakkersuisoq kilisaataatillit ilaasa aningaasaqarnerannut takussutissiaq, Erhvervs- og Selskabsstyrelsenip tamanit takuneqarsinnaasunik ukiumoortumik naatsorsuutaannik tunngaveqartoq saqqummiuppaa. Takussutissiaq taanna isumaliutissiisummut matumunnga ilanngussaq 4-tut ilanngunneqarpoq.

Naalakkersuisup isumasioqatigiilluni ataatsimiinnermi nassuiarpaa kilisaataatileqatigiit naatsorsuutaat kiisalu tamatuma kingorna Akileraartarnermi Pisortaqarfimmi pisut tunngavigalugit naatsorsuinerit tunngavigalugit naliliisoqarpoq siunissami kilisaataatileqatigiit ingerlaannarnissaat navianartorsiortinnagu aningaasaqarniarnerat ima annertutigisumik ajorseriartinneqassan-ngitsoq tunisineri akiusup kg-mut 13 kr. miss. angugaangagu akitsuut atuutilertassalluni. Tunisineri aki kg.-mut 14 kr.-inngoraangat taamaalilluni akitsuummut procenti 1-inngoraangat kg-mut 14 qrimik akitsuummik akiliisoqartassaaq, taakkulu ilaat 4 qringajannik angissusillit inuttanit akilertartassallutik, raajanummi akitsuut inuttat akissarsiassaannik naatsorsuineri ilanngaatineqartassammata.

Naalakkersuisup ilanngullugu nassuiaatigaa kilisaataatileqatigiit aningaasaqarniarnerat soorunami assigiinngitsuusoq, kilisaataatileqatigiimmi ilaat kg-mut tunisineri agguaqatigiissillugu aki 13 kr.-iugaangat annikigisassaannigisumik pitsaasumik angusaqartarmata, allalli amigartooruteqartarlutik. Tamatumunngali tunngatillugu oqaatigineqassaaq kilisaataatileqatigiit taakku amigartooruteqarnerat kilisaatit pisassiisutillu annertuumik nalikilliliivigineqartarnerinik pissuteqarnerusoq. Raajanut akitsuut 0-iugaluarpalluunniit kilisaataatileqatigiit taakku akit appasissut atuunneri pissutigalugu amigartooruteqartussaapput.

Naalakkersuisoq ima isumaqarpoq maleruagassanut maannakkut atuuttunut tunngatillugu raajanut akitsuusiisarnermut inatsisissatut siunnersuut nutaaq kilisaataatileqatigiit aningaasaqarniarnikkut patajaallisarnissamut periarfissaqarnerannik aalajangiisuusumik ajornerulersitsisussaangitsoq, akitsuummi nunarsuarmi akit appasippata taamatutaaq procentinngorlugu aningaasan-ngorlugulu appasissuussammat, akitsuummi kaajalukaartitanik tunngaveqarmat. Naalakkersuisoq nangilluni nassuiaavoq tamatuma peqatigisaanik paasineqarsinnaasooq kilisaataatillit ukiut quliniit 15-inik amerlassusillit qaangiunneranni kilisaammik tunisigunik nalikilliliinernik pissarsiareqqinneqartutut ilusilerlugit aningaasarpasuarnik isertitatut nalunaarsuisinnaammata. Tamatuma peqatigisaanik takutinneqarpoq kilisaataatileqatigiit ataatsip ukiumi ataatsimi angusai kilisaataatileqatigiit aningaasaqarnikkut qanorpiaq inissisimanerannik takutitsuunngitsut.

Tulliullugu Akileraartarnermut Akitsuusiisarnermullu Ataatsimiititaliamit Aningaasanut Nunanullu Allanut Naalakkersuisoq qinnuigineqarpoq isumasioqatigiilluni ataatsimiinnermi kiilumut 13 kr. anguneqaraangat raajanut akitsuuteqarluni raajarniutini aningaasaqarnerup ineriartornissaatut naatsorsuutigineqartunut takussutissiamik saqqummiusseqqullugu.

Aningaasanut Nunanullu Allanut Naalakkersuisoq isumasioqatigiilluni ataatsimiinnermi ilaatigut nassuiaateqarpoq ingerlatseqatigiiffinni nammineq

aningaasaatit erniaqartarnerat piffissamut annertujaamut atatillugu isigisariaqartoq, raajanullu akitsuut annikitsuinnarmik pingaaruteqartoq, illua tungaatigulli kaajalukaartitat (akit) raajarniutit aningaasaqarniarnerannut aalajangiisuunerpaamik pingaaruteqartut.

Taamatut isumaqarnermut takussutissiatut suliarineqarsimasoq, ilanngussaq 4-mut naapertuuttoq, raajarniutini aningaasaqarniarnermik takutitsisusooq, immikkut aningaasartuutit isertitatullu allatanik immikkut samminnittoq. Takussutissiaq ilanngussaq 5-itut ilanngunneqarpoq.

Akilerartarnermut Akitsuusiisarnermullu Ataatsimiititaliami amerlanerussutillit Siumumeersut, Inuit Ataqtiginnersut Demokraatinerussullu Naalakkersuisup nassuiaataa tusaatissatut tiguaat. Taamaalilluni ataatsimiititaliami amerlanerussutillit uppersarneqartutut isigaat kiilumut aki 13 kr.-inngoraangat raajanut akitsuutip atuutitarnissaa raajarniutini aningaasaqarniarnerup nammatassiinissaa, pissusissamisuunngitsumik artukkerneqarani attassinnaassagaa.

Ataatsimiititaliami ikinnerussuteqartut Atassut akerlianik isummerput, inuussutissarsiutip ani-ngaasaqarniarnera ima mianernartigisoq inuussutissarsiutip akitsuutit ilaneqarnerisigut nammatassinneqarnissaa illersorneqarsinaanani, minnerunngitsumik raajat akiisa appasinnerat eqqarsaatigalugu.

Ataatsimiititaliami amerlanerussuteqartut Siumumeersut, Inuit Ataqtiginnersut Demokraatinerussullu siunnersuummut tunngatillugu ima oqaaseqaateqarniarput:

Ataatsimiititaliami amerlanerussutillit siunnersuummut tapersiinertik matumuuna oqaatigissavaat. Amerlanerussutillit pissusissamisoortutut isigaat, nunatta iluaqtissarititaannik sulliviit inuussutissarsiornikkut atuisut iluaquteqarnermut akiliutitut iluseqartumik, akilerartarnermut akitsuusiisarnermullu ataatsimiititaliamit nunanut allanut sanilliussisumit kaammattuutigineqartutut akiliisariaqartut.

Siunnersuut tunngavigalugu iluanaarutigineqartussatut naatsorsuutigineqarsinnaasut annertussutimikkut killeqarput, inuussutissarsiummillu taasariaqartumik nanertuutaasutut isigisariaqarunaratik.

Ataatsimiititaliami amerlanerussuteqartut qulaani taaneqartut paasivaat *KNAPK-p aamma APK-p "Athenimi isumaqtigiiissummut tapiliussap" akuersissutigineqarnera pillugu, illua tungeriillu 2004-imiit 2006-imut (taakkua tamaasa ilanng.) suleqtiginnissamik isumaqtigiiisutaata 1. september 2003-meersup qimanneqarneranut tunngatillugu APK-p KNAPK-llu piginnaatitaaffitik aalajangiusimasinnaajumagaat.*

Siunnersuut akuersissutigineqarpat aalisarnermut kattuffinnit Naalakkersuisut eqqartuussivitsigut suliaannagortinneqarnissaminnik naatsorsuutiginnisinaanerat aarleqqutigineqarsinnaasooq amerlanerussuteqartut nalunngilaat. Ataatsimiititaliamili amerlanerussuteqartut maluginiarpaat tamatuma malitsigisaatut inatsisilerinikkut aaqqiagiinngissuteqarnermik inatsimmut allannguutissatut siunnersuut

kinguneqassagalarpat, aningaasatigut kinguneqaatissat pillugit nassuiaammik siunnersuut imaqqanngitsoq. Ataatsimiititaliami amerlanerussuteqartut tamanna ima paasisariaqarpaat, Naalakkersuisut inatsisilerinikkut peqqissaartumik isumaliutersornertik tunngavigalugu naliliisut eqqartuussivitsigut suliakkiisoqaratarsinnaaneranut atatillugu aalisarnermut kattuffiit eqqartuussivinnit tapersiivigineqarnissaat ilimanaateqanngitsoq. Ataatsimiititaliamittaaq amerlanerussutillit ilanngullugu ilimagisariaqarpaat - eqqartuussissuserisukkoortillugu pissarsiarineqartunik inatsiseqarnikkut naliliinernik Naalakkersuisut tunngaveqartitsisimappata - aallarniutitut misissuinerni inerniliussat attanneqarsinnaanngitsut paasineqassagalarpat siunnersortitut akisussaaitaanissamut periarfissamik atuinissamik Naalakkersuisut isumaliuteqarsimanersut.

Tamatumattaq peqatigisaanik ataatsimiititaliami amerlanerussutillit erseqqissumik oqaatigissavaat isumaqatigiissuteqarnikkut allatulluunniit iliorlutik Naalakkersuisut inatsimmik suugaluartumilluunniit Inatsisartut aalajangeeqqullugit pisussaatisinnaanngikkaat.

Ataatsimiititaliami amerlanerussuteqartut qulaani taaneqartut tamanna tunngavigalugu inassutigaat siunnersuut Inatsisartut akuersissutigissagaat.

Ataatsimiititaliami ikinnerussuteqartut Atassutip ilaasortaataata siunnersuut ima oqaaseqaateqarfigaa:

Massa Namminersornerullutik Oqartussat sinnerlugit - EU-mut isumaqatiginninniarnernit piffissap qiteqqunnerani angusat akuersissutigineqarnissaat siunertaralugu - nunatsinni 2003-mi ukiakkut ataatsimiinnermi Naalakkersuisut raajanut akitsuutitut inatsimmut allannguutissatut siunnersuummik saqqummiussinissaat pillugu, taamaalilluni akit naleqqersuutaannut iluarsiivigineqartalissalluni, avammut nioqqutissatut tunisassiat 19,00 kr.-imik kiilumut akeqaleraangata raajanut akitsuutip aatsaat atuutilertarnissaanik aalisarnermut kattuffinnut Naalakkersuisut siulittaasuata isumaqatigiissuteqaraluartoq, Naalakkersuisut siulittaasuata Naalakkersuisullu tamarmiusut *Naalakkersuisut, KNAPK-p aamma APK-p "Athenimi isumaqatigiissummut tapiliussap"* akuersissutigineqarnera pillugu, illua tungeriillu 2004-imiit 2006-imut (taakkua tamaasa ilanng.) *suleqatigiinnissamik isumaqatigiissutaat*"-ni 1. september 2003-meersumi immikkoortoq 6 qimakkumallugu toqqarpaat.

Isumaqatigiissuteqarfigineqartut sumiginarneqartunit uppersarnerqarpoq taamatut isumaqatigiissummi qimatsineq inatsisunik unioqqutitsinerusoq taarsiissannqortitsisinnaasorlu.

Atassutip isorisarialerujussuurtut isigaa nunatsinni aalisarnermik inuussutissarsiteqarnerup in-narleruminartorujussuarmik inissisimanagera, ukiut arlalissuit ingerlanerini raajat akiisa nunarsuarmi appasinnerujussuat pissutigalugu ataatsimut isigalugu aningaasaqarniarnikkut ajorluinnartumik atugassaqartitaasimanerat Inatsisartut soqutiginnippassuk.

Atassut isumaqarpoq inuussutissarsiutip ingerlaannarnissaanut periarfissanik pitsaasunik, akornutissanik pinnatik, nunatsinni inatsisiliortut pilersitsiniarnissaat pisariaqartoq.

-

Ataatsimiititaliami ikinnerussuteqartut qulaani taaneqartut inassutigaat
siunnersuut tamanna tunngavigalugu Inatsisartut itigartitsissutigissagaat.

Inatsisartut Akileraartarnermut Akitsuusiisarnermullu Ataatsimiititaliaata taama oqaaseqarluni siunnersuut aappassaaniigassanngortippaa.

Isak Davidsen (S),
siulittaasoq

Agathe Fontain (IA)

Jensine Bertelsen (A)

Per Skaaning (D)

Ole Thorleifsen (S)